

Meh mie lepke

Trees dat is 'n hiel gooj blöts, en altied in veur e grepke,
Mer geit ut bove häör möts, sjriewt ze keihel ; “ meh, mie lepke ! “

Trees had veur de vastelaovend slingers ingekoch,
Thoes gekoume, moos dat ganse spul nog in de loch,
Trees, die is ein-vieftig laangk, dat is e bitsje klein,
Daobeij heet ze hoegtevrees, en oongelieke bein,
E bitsje bang en eigewies, stond Trees m'ch op e trepke,
De hiele handel kwakde um, zie sjriewde; “ meh, mie lepke ! “

Trees steit mèt d'n optoch miestal veuraon in de straot,
Zuut ze masjorètsjes, springk ze mèt, mer oet de maot,
Trees is neet de jongste mie, dat is gewoon e feit,
En de G.G.D. steit klaor, es Treeske springe geit,
Zie deit es of ze twintig is, jao, dat is ech gein grepke,
Vaan wiet aof huurste'r sjriewe, jao hiel hel; “meh, mie lepke ! “

